



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. || Lv dovici || De Ponte Vallis-|| Oletani, È Societate ||  
Jesv Theologi.|| De || Christiani hominis || Perfectione In  
Qvo-|| libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipué desumpta

**Puente, Luis de la**

**Coloniæ Agrippinæ, 1625**

§. 2. In electione Status non esse refugiendum ad res extraordinarias quas  
consequi non possimus.

**urn:nbn:de:hbz:466:1-39637**

docet Evangelium, non adinueniendo regulas & leges nouas, quæ te ab antiquis & veris retrahant, prætextu illo, vt magis in eis emineas.

ADVERTE quoque quas diuisiones & schismata adferas toti communitati in qua habitas, cum hæc noua excogitas. Hi sunt (ait S. Bernardus) unitatis diuifores: inimici pacis: charitatis expertes: vanitate tumentes: placentes sibi: & magni in oculis suis ignorantes Dei iustitiam: & suam volentes constituere. Et quæ maior superbia, quàm vt vnus homo toti congregationi iudicium suum præferat: tanquam ipse solus habeat Spiritum Dei: vt reliquos post se trahat. vñ illis qui faciunt se proprii iudicij idololatrias, venerantes vitæ rationem, quam sibi adinuerunt, tãquam diuinam: cum sit diabolica, & mundana; eaque decipiunt simplices, vt illos sequantur. Quamobrem seuerissimè punientur sicut populus ille, cui Deus per Amos Prophetam dicebat: non parcam in dilatandis terminum suum. Quæ (ait S. Gregorius Papa) sunt prægnantes Galaad, nisi animæ simplices, ac sinceræ Ecclesiæ plenæ sanctis, magnisque Deo seruo seruiendi desiderijs? Has secas ac diuidis verbis & exemplis singularitatis tuæ; ob dissensionem ac discordiã, quam in eis efficis: vbi enim huiusmodi sunt nouitates, simul etiam sunt partialitates, & factiones: deficiente autem charitate, diuisio sequitur cordis, & mors animæ: & vtrumque tibi tanquam causã tribuetur.

§. 2. *In electione Status non esse refugiendum ad res extraordinarias quas consequi non possimus.*

EX omnibus prædictis intelliges, quod cum alicuius Status, Sortis, aut vitæ rationis electionem facere volueris, non debeas oculos tuos cõijcere in res extraordinarias, quas consequi nõ possis; aut quæ in tuũ cedat detrimentum, sed in res receptas & approbatas in Ecclesia & Republica in qua habitas, iuxta consilium Sapientis dicentis: *ne erigas oculos tuos ad opes, quas non potes habere: quia facient sibi pennas quasi aquile & volabunt in cælũ, sed prudentia tua pone modum: eos tantum spirituales diuitias querens scientiarũ gratiarum ac donorum, quas Dominus noster solet concedere diligentibus ac prudentibus, in eis quærendis, alioquin inuenies te deceptum ac defatigatum; eis quæ non obtentis; laboris tui feceris iacturam, eò quod inaniter eas quæsiueris. Conijce oculos in vitas Sanctorum, quibus Dominus noster similes gratias communicauit: gratias quæ agens pro extraordinarijs fauoribus illis exhibitis, eorundem imitare virtutes: hæc enim via est ad obtinendam raram virtutem & sanctitatem, quam illi sunt consecuti. Sunt inquit S. Bernardus vitæ Sanctorum similes conuiujs magnorum Dominorum, in quibus delicati cibi vinaque pretiosa apponuntur in vasis aureis & argenteis. Sed cibi & vina conuiujs proponuntur, vt comedant & bibant;*

6.  
Serm. de Resurr. etc.  
cc  
cc  
cc  
Singularis communitatem euerstunt.  
f. Amos 1. 13.

a. Prov. 23. 3.  
Beda hic.  
Virtutes imitare signa mirare.  
in Serm. de Martino.



non tamen permittuntur aurea & argentea vasa secum accipere: quia non fuerunt ad hoc apposita; sed vt conuiuia recrearentur ex eorum pulchritudine, & agnoscerent inuitantis Principis diuitias & excellentiam. Sic etiam Sanctorum virtutes locum tenent ciborum, & preciosorum vinorum, vt eas in nos ipsos traiciamus, & imitemur, ac ex eis proficiamus: miracula autem & extraordinaria dona illis communicata, propterea tantum proponuntur, vt admiremur, & glorificemus Deum, qui talia illis donauit; & animemur ad feruenter ei seruiendum, sperantes quod ex sua liberalitate si ad nostram salutem expedierit, daturus sit nobis cum cibo orbem argenteum; & cum vino poculum aureum: siquidem vtrumque illi est æque facile: quod si non fecerit, non id parcitati, sed alicui alteri eius gloriæ fini tribuendum est. Precipue cum aliquando soleat ipse in testaceis scutellis & vitreis scyphis, cibos & vina preciosiora tribuere potius, quam in argenteis & aureis: vt sapientiæ suæ profunditatem ostendat, qui excellentem valde sanctitatem internam communicet, per media, quoad exteriora, communia & ordinaria: vt ipsius nostri Saluatoris vestigia sequamur, qui docuit nos modum quandam singularitatis, quem omnes optare debemus. Fuit enim *singularis* ipse in virtutibus *internis*, & in operibus spectantibus ad obseruationem legis diuinæ, & consiliorum Euangelicorum, in quibus perfectio summa consistit. In *exterioribus* autem eam vitæ rationem elegit, quæ similis esset ei, quam reliqui homines *communiter* seruabant, in vestitu, cibo, & modo cum eis agendi, exprimens in se: vt S. Thomas perpendit, consilium illud, quod eius Apostolus ab illo accepit, cum dixit: *b omnia omnibus factus sum, vt omnes lucraret, & facerem saluos*, eum in modum debes te exterius cõmuni & ordinariæ rationi vitæ accommodare, quã habent reliqui tibi pares. Studeto autem præcellere & singularis esse, quoad virtutes internas, & opera in quibus consistit perfecta legis Euangelicæ obseruatio, iuxta tui Status rationem, ita vt singularitatem, & nouitatem illam angeli admirentur, & ipsi homines, videntes te singulari quodam, valdeq; perfecto modo, cõmunia aliã opera exercere: vt de te dicatur, quod Sapiens dixit de magno illo Sacerdote, quod *c non esset inuentus similis illi, qui conseruaret legem excelsi* & quod Dauid de se ipso dixit, *d singulariter sum ego donec transeam*, ita enim statuebat, se velle singularem esse in vita, vt nõ solũ subtraheret se cõgregationi peccatorũ, sed tepidorũ etiã, ac imperfectorũ, vt posset e *electus esse sicut Sol*, qui est inter stellas singularis. Hæc singularitas valde tuta via est, magnãq; fiducia adfert in Deũ; & pignora præbet perseueratiæ vsq; ad mortẽ, iuxta illud eiusdẽ Dauidis, *f in pace in id ipsũ dormiã & requiescã: quoniã tu Domine singulariter in spe constituisti me*, & curam & sollicitudinem meam tibi cum singulari sanctitate seruiendi, remuneraturus sis singulari & certa spe ad regnum tuum perueniendi.

*Intus singularis, foris sectare communia.*

3. h. 40 #  
2.  
b 1. Co. 9. 22

c Eccl. 44.  
20.  
d Psal. 140.  
10.

c Cant. 6. 9.

f Psal. 4. 9.